


Tertib Surah	Nama Surah	Bilangan Ayat	Bilangan Ruku'	Makkiyyah / Madaniyyah	Tertib Turun	Bilangan Paragraf
Ke-94	Al-Insyirah	8	1	Makkiyyah	Ke-12	3



Zaman Diturunkan

Surah al-Insyirah turun selepas Surah ad-Dhuha pada peringkat permulaan kehidupan Rasulullah s.a.w. di Mekah di antara tahun 1 hingga 3 Kenabian. Ketika itu da'wah hanya berjalan secara rahsia dan sulit, ia juga turun setelah berlalu zaman **فَتْرَةُ الْوَحْيِ** (zaman berhenti wahyu kepada Rasulullah buat seketika) sekitar 15 hingga 20 hari, ketika itu Rasulullah s.a.w. kelihatan sedih dan akhirnya Jibril datang menenangkan Baginda dengan katanya: "Engkau adalah rasul yang sebenar". Sahih al-Bukhari, Kitab at-Ta'bir, Bab 1, hadits 6,581.

Ciri Khusus Surah Al-Insyirah

Surah al-Insyirah seperti Surah ad-Dhuha, dapat memberi semangat dan pengharapan ketika seseorang berada dalam keadaan yang mengecewakan.

Perkaitan Surah Al-Insyirah Dengan Surah Sebelum Dan Selepasnya

1. Walaupun Surah al-Insyirah berbeza ayat-ayatnya daripada Surah ad-Dhuha tetapi banyak sekali persamaan antara kedua-duanya, di dalam Surah ad-Dhuha terdapat firman Allah **وَلِأَخْرَجَ خَيْرَ لَّكَ مِنَ الْأُولَى**, ia merupakan berita gembira akan mendapatkan masa depan yang cerah ketika Rasulullah s.a.w. berada dalam kesukaran dan keadaan yang cukup mencabar. Perkara yang sama di dalam Surah al-Insyirah terdapat di dalam firman Allah:

فَإِنَّ مَعَ الْعُسْرِ يُسْرًا ۖ إِنَّ مَعَ الْعُسْرِ يُسْرًا ۖ

5. Oleh itu, maka (tetapkanlah kepercayaanmu) bahawa sesungguhnya tiap-tiap kesukaran disertai kemudahan,

6. (Sekali lagi ditegaskan): bahawa sesungguhnya tiap-tiap kesukaran disertai kemudahan.

2. 5 Ayat di permulaan Surah ad-Dhuha seolah-olahnya merupakan pendahuluan kepada Surah al-Insyirah.

3. Kedua-dua surah berdalilkan masa lalu mengisyratkan kepada kecerahan dan sinaran di masa hadapan.

4. Di akhir kedua-dua surah terdapat arahan dan bimbingan daripada Allah.